

89 fardagaárið 1885—'86, en hafði jafnframt útibú sama fardagaár á eignarjörð sinni Gils-
29. júlí. stöðum í Áshreppi, hafi fyrir nefut fardagaár borið að greiða til sveitarinnar í hreppi þessum lausafjárftiund af tíundarpeningi sínum þeim, er framfleyttist á Gilsstöðum, og tiltölulegt aukaútsvar.

Þjer hafði þegar áður með brjefi 26. ágúst f. á. svarað þessum fyrirspurnum hreppsnefndaroddvitans svo, að þar sem Magnús Steindórsson samkvæmt skýrslum þeim, sem fyrir lægju, hefði haft lögheimili sitt í Sveinsstaðahreppi hið umrædda fardagaár, þá hafi honum eigi borið að greiða aukaútsvar það ár til Ásshrepps og að það, að því er snertir spurninguna um lausafjárftiundina, sje samkvæmt 12. gr. laga 12. júlí 1878, að Magnúsi hafi borið að greiða alla lausafjárftiund sína til fátækra í Sveinsstaðahreppi þar sem hann hafi átt lögheimili, en 11. gr. nefndra laga eigi að eins við framtal penings í þeim hreppi, þar sem hann framfleyttist.

Með því að jeg er yður samdóma um, að svara beri fyrirspurn hreppsnefndaroddvitans í Áshreppi á þann hátt, er að framan er greint, skal jeg biðja yður tjá það nefndum oddvita og það með, að mál þetta, eins og þjer einnig hafði þegar áður bent honum á, heyri eptir eðli sínu undir dómstólana.

90 Brjef landshöfðingja til amtmannsins yfir norður og austuramtinu um beiðni
29. júlí. þjóðjarðarlandseta um eptirgjaldslinun vegna skepnumissis. — Með þóknanlegu brjefi dags. 27. þ. m. hafði þjer, herra amtmaður, sent hingað erindi frá ábúandanum á þjóðjörðinni Njálstöðum í Húnavatnssýslu, Ólafi Ólafssyni, þar sem hann sækir um 60 álna lækkun á landsskuldargjaldi sínu af nefndri jörð fyrir umliðið og úbyrjað fardagaár, sökum tjóns þess, sem hann hefur orðið fyrir á síðasta vetri og vori sakir skepnumissis.

Fyrir því undanfelli jeg ekki hjer með þjónustusamlega að tjá yður, herra amtmaður, til þóknanlegrar leiðbeiningar og frekari biðingar að með því að mig brestur heimild til að veita slíka eptirgjaldslinun og þá, er hjer ræðir um, getur beiðni sú, er hjer liggur fyrir ekki orðið tekin til greina.

91 Brjef landshöfðingja til bæjarfógetans í Reykjavík um skilyrði fyrir greiðslu
6. ágúst. vitagjalds og afgreiðslugjalds af skipum. — Í þóknanlegu brjefi, dags. 4. þ. m., hafði þjer, herra bæjarfógeti, spurzt fyrir um það, hvort gufuskipinu Bewick, er komið hafi hingað frá útlöndum og lagzt hjer fyrir utan eyjarnar hinn 1. þ. m., en sent þó menn hingað í land, hafi eigi borið að sýna hjer skjöl sín og greiða hjer vitagjald og afgreiðslugjald, enda þótt það eigi legðist á höfninni fyrir innan eyjarnar.

Fyrir því undanfelli jeg ekki hjer með þjónustusamlega að tjá yður, yður til þóknanlegrar leiðbeiningar, að samkvæmt lögum nr. 20, 10. okt. 1879 ber hverju skipi, að undanskildum herskipum og skemmtiskútum, er fer fram hjá Reykjanesi við Faxaflóa, að greiða vitagjald það, er lögin nákvæmar ákveða, á þeim stað, er það fyrst leitar hafnar á eptir að það hefur siglt fram hjá vitanum, og getur það í því tilfelli, sem hjer er um að ræða, ekki haft neina þýðingu, hvort skipið leggst á höfninni sjálfri eða rjett fyrir utan hana, úr því að það á annað borð hefur varpað akkerum og haft samgöngur við landsmenn.

Að því er þar á móti spurninguna um afgreiðslugjaldið snertir, ber ekki, sam-

kvæmt rentukammerbrjefi 23. maí 1840, sbr. enn fremur landshöfðingjabrjef 6. júlí f. á. **91**
(Stjtið. B, bls. 83) að heimta afgreiðslugjald af skipi, þó það komi inn á höfn, eða, eins 6. ágúst.
og átti sjer stað í tilfelli því, er hjer ræðir um, leggist fyrir utan höfnina, ef það
hvorki affermir þar nje fermir.

Ágrip af brjefi landshöfðingja til sýslumannsins í Þingeyjarsýslu um lán **92**
handa sýslunefnd Suður-Þingeyjarsýslu. — Með brjefi þessu voru sýslunefnd Suður-^{17.} ágúst.
-Þingeyjarsýslu veittar 1800 kr. að láni úr viðlagasjóði í viðbót við 5000 kr. lán, er
sýslunefnd þessi hafði áður fengið úr sama sjóði handa Magnúsi Þórarinssyni á Hall-
dórstöðum til að fullkomna tóvinnuvjelar. Eiga nefndar 1800 kr. að endurborgast á
næstu 20 árum með 90 kr. á ári auk 4% árlegra vaxta.

Ágrip af brjefi landshöfðingja til amtmannsins yfir norður og austuramtinu um **93**
hallærislán handa Húnavatns og Skagafjarðarsýslum. — Með brjefi þessu var Húna-^{26.} ágúst.
vatns og Skagafjarðarsýslum heitið allt að 10000 kr. hallærisláni, hvorri um sig, úr
landssjóði í sumar eða haust, með þeim kjörum að greiddir verði í árlega vexti 4 af
hur draði af lánum þessum og þau sjálf endurborguð með $\frac{1}{10}$ árlega. En jafnframt var
amtmani boðið að hafa strangar gætur á því, að nefnd sýslufjelög taki ekki meira fje
að láni en það, sem er óumflýjanlega nauðsynlegt til að afstýra yfirvofandi manndaða
í sýslum þessum.

Ágrip af brjefi landshöfðingja til stiptsyfirvaldanna um sölu á kirkjujörð **94**
— Með brjefi þessu var stiptsyfirvöldunum tilkynnt að hans hátígn konunginum hafi ^{27.} ágúst.
þóknast 28. júlí þ. á. allramildilegast að fallast á, að jörðin Karlskáli í Reyðarfjarðar-
hreppi í Sudurmúlasýslu, sem nú er eign Dvergasteins prestakalls, verði seld ábúanda
þeim, sem nú er á jörðinni, Eiríki Björnssyni, fyrir 4500 kr. þannig að kaupandi greiði af
jörðinni eptir kaupin tíund og önnur gjöld til hins opinbera, sem á bændaeignum
hvíla.

Jafnframt var stiptsyfirvöldunum boðið að annast um, að söluverð jarðar þess-
arar verði, þegar er það greiðist, sett á vöxtu og geymt sem föst innstæða Dvergasteins
prestakalls undir stjórn biskups.

Brjef landshöfðingja til amtmannsins yfir norður og austuramtinu um flutn- **95**
ing á þingstað Seyðisfjarðarhrepp. — Út af erindi hreppsnefndarinnar í Seyðisfjarðar-^{3.} sept.
hreppi 26. febr. þ. á. og meðmælum sýslumannsins í Nordurmúlasýslu, svo og tillögum
yðar, herra amtmaður, í þóknanlegu brjefi 17. maí þ. á., vil jeg hjer með veita sam-
þykki mitt til, að þingstaðurinn í Seyðisfjarðarhreppi verði eptirleiðis á Fjarðaröldu, þar
sem hreppurinn á þar til hæfilegt hús.

Þetta bið jeg yður tilkynna hlutadeigendum.